



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. I. Quibusdam præmissis, prima difficultas resolvitur

[urn:nbn:de:hbz:466:1-78232](#)

mentum prudenti existimationi ad judicandum A realiter se habere ad illam, respectu effectuum moralium, ac physice uniretur. Sicut in probabili sententia omisso pura est actus moralis, quia æquivalenter est actus physicus, eò quod præbeat fundamentum ad prudenter judicandum, voluntatem pure omittentem taliter se habere in ordine ad transgressionem legis, ac si per physicum & positivum actum vellet omittere.

170. Obiectus ultimus: Si peccatum in ratione offensæ esset simpliciter infinitum, unum peccatum in ratione offensæ alio majus non esset, sed omnia in ratione offensæ essent æqualia; At hoc dici nequit: Ergo nec illud. Minor videretur certa: nam per peccatum odii, vel blasphemie v.g. Deus magis offenditur, quam per peccatum intemperantie, puta per comestione carnium die prohibito. Sequela vero Majoris probatur: Unum infinitum non est majus aliis, ne genere in quo est infinitum: Ergo si peccatum in ratione offensæ sit infinitum simpliciter, unum peccatum in hoc genere non erit majus alio, sed omnia in hoc genere, & sub hac ratione erunt æqualia.

171. Respondent aliqui ex nostris Thomistis, negando sequelam Majoris. Ad cuius probationem distinguunt Antecedens de infinito per essentiam & in genere entis, & de infinito determinati generis; & assertunt quod licet loquendo formaliter de infinito in ratione infiniti, unum non sit majus alio, quia in negatione omnimoda termini, in qua ratio infiniti consistit, unum aliud non excedit; materialiter tamen de infinito loquendo, licet infinitum per essentiam, & in genere entis, petat a nullum excedi, infinitum tamen generis determinati, potest naturaliter excedi ab alio infinito; & quia peccatum non est infinitum per essentiam, nec in genere entis, sed in genere determinato, scilicet in genere offensæ, unum peccatum in ratione offensæ alio majus esse potest. Hæc solutio probabilitate non caret.

172. Melius tamen & facilius respondeatur, gravitatem offensæ non solum sumi à persona leſa, sed etiam ab objecto, ab intentione actus, & aliis capitibus, ex quibus sumitur peccatorum malitia. Unde licet gravitas personalis, queratur in offensa contra Deum commissa, in omnibus peccatis mortalibus æqualis sit; illa tamen quæ ex objecto, ex circumstantiis, & aliis capitibus sumitur, inæqualis est juxta objectorum & circumstantiarum inæqualitatem.

173. Potest hæc solutio illustrari & explicari ex doctrina desumpta ex tractatu de Incarnatione, ubi Theologi duplēm bonitatem & valorem distinguunt in actionibus Christi Domini; alterum ex objecto & circumstantiis, qui idcirco vocatur *objectivus*; alterum ex dignitate personæ, qui propter ea dicitur *personalis*; & assertunt primum valorem non fusile infinitum, nec consequenter æqualem in omnibus actionibus Christi, sed majorem vel minorem, juxta majorem vel minorem excellentiam objecti talium actuum; secundum verò, utpote simpliciter infinitum, fusile æqualem, immo & unicūm in omnibus actionibus & passionibus Christi. Parte ergo gravitas personalis competens peccato mortali ex maiestate Dei offensa, simpliciter infinita, æqualis est in omni peccato mortali; gravitas autem ejus ex aliis capitibus sumpta, major aut minor est, juxta inæqualitatem malitiae derivata ex illis.

ARTICULUS VI.

Vixrum quilibet homo in primo instanti usus rationis teneatur sub mortali ad Deum se convertere, subindeque peccatum veniale cum solo originali esse non posse;

§. I.

Quibusdam premisis, prima difficultas resolvitur.

B **N**otandum primò: Quod cum ratio significet intellectum, in quantum est vis ad diligendum, puerum pervenire ad ultimum rationis, nihil est aliud quam ipsum pervenire ad eum statum, in quo habeat facultatem expeditam ad discendum, & discernendum inter bonum & malum morale: Hæc vero facultas tunc censetur pueris inesse, quando male agendo se abscondunt, aut erubescunt; potest enim contingere pueros sibi cibos querere, & preparare, & sibi adficare domos, coacervando lapides, ligna, & similia, qui tamen in genere morum nullo valent disciri, aut discretione.

C **N**otandum secundò: Quod quando querimus, an puer in primo instanti usus rationis teneatur ad Deum se convertere: nomine *instantia usus rationis* a nobis non intelligitur aliud unum instantis physicum & omnino indivisibile, sed tota illa duratio, quæ homo indiget ad discernendum inter bonum honestum, & bonum delectabile aut sensibile, & ad deliberandum quodnam ex predictis bonis sit amplectendum: quia duratio, quia regulariter brevissima est, tantaque exigitur ad primum rationis usum plenè exercendum, moraliter dicitur unum & primum instantis, quamvis physicè verum tempus, adeoque plura instantia includat. Porro hæc duratio, siue instantis morale in aliis est brevius, in aliis vero latius, iuxta celeritatem & acumen ingenii uniuscujusque, & iuxta diversam complexionem, & organorum ubi sensus interni resident dispositionem: Nam ratione illorum quibusdam citius, quibusdam vero tardius datum est discurrere, & predictam deliberationem completere: Sicut etiam ratione earumdem dispositionum quibusdam datum est citius, quibusdam tardius, ad rationis usum & discretionis annos pervenire.

E **N**otandum tertio, duplēm dati posse conversionem in Deum; unam explicitam & formalem, quæ consistit in actu dilectionis Dei cogniti ut talis per fidem, aut per lumen naturale rationis: aliam solum implicitam & virtualem, quæ fit per propositum sequendi in omnibus bonum honestum, seu per amorem boni honesti ut sic, in quo Deus, ut hujus boni author & finis, virtualiter & implicitè continetur.

F **A**d plenamergo & perfectam propositæ dif- 177. ficultatis resolutionem, duo hic discutienda sunt: Unum, an puer cum primo pervenit ad ultimum rationis, teneatur ex precepto naturali se convertere in Deum? Alterum, qualis debet esse illa conversio, an explicita & formalis, vel implicita solum & virtualis? Nam licet omnes discipuli D. Thome convenient in statuenda obligatione conversionis in Deum, seu dilectionis

DISPUTATIO NONA

nis Dei proprio instanti usus rationis, non tamen eodem modo hujusmodi obligationem & dilectionem declarant; sed adhuc inter eos veretur dubium, an ad illam adimplendam exigitur amor Deiformalis & explicitus, an vero sufficiat implicitus & virtualis, contentus in ipso amore boni honesti in communi? Capreolus enim & quidam alii, attentes quod haec conversio, sive ordinatio sui in debitum finem, secundum quod a S. Doctore ponitur, est dispositio ad justificationem (ait enim S. Thomas hic art. 6. quod si puer ad usum rationis perveniens, seipsum ordinaverit ad debitum finem, per gratiam consequetur remissionem originalis peccati) existimant eam explicite & formaliter ad Deum ut authorem supernaturalem debere terminari. Alii vero cum Cajetano, considerantes quae & quanta sint requisita ad conversionem in Deum ut finem supernaturalem, eaque puer in primo instanti rationis convenire non posse, rigorofam nimis hanc Capreoli sententiam judicant, & hanc ordinationem seu conversionem reducent ad conversionem in bonum honestum, in quo, ut dicebamus, implicite & virtualiter continetur conversio in Deum ut finem ultimum. Pro resolutione primae difficultatis.

178. Dico primò, teneri omnino puerum, quamprimum ad usum rationis pervenerit, sive in primo instanti morali usus rationis, convertere se ad debitum finem, eo modo quo potest. Ita D. Thomas hic art. 6. & omnes ejus Discipuli, nullo excepto: Tam clare enim & tam firmiter in hac quaestione S. Doctor loquitur, & tam frequenter inculcat istam sententiam, ut meritò a Thomistarum classe eum rejecendum putem, qui ab ejus vestigiis hac in parte recesserit. Eandem sententiam tenet Abulensis super cap. 25. Math. quæst. 749. Dionysius Carthusianus in 2. distin. 28. Vincentius Bellovacensis in speculo moralis, Navartus in manuali cap. 11. num. 7. Toleatus lib. 4. Summa cap. 9. num. 9. Vega in Trident. lib. 9. cap. 42. & plures alii, quos referunt Carmelitæ Salmanticenses disp. 20. dubio 1.

179. Probatur primò conclusio: Statim atque lex aliqua alicui sufficienter promulgata est, tenetur eam acceptare, & illi se subjicere; v.g. cum primò proponitur alicui lex Evangelica, ipseque veritatem talis legis sufficienter agnoscit, tenetur amplecti illam, & proponere vivere tecum dum ipsam, saltem in communi; & nisi ita faciat, mortaliter peccat, ut satis communiter docent Theologi in tractatu de legibus: Sed homini in primo instanti morali usus rationis, per dictamen synderesis, & lumen naturale rationis intuitur a Deo lex naturalis, dictans bonum honestum esse sequendum, & præferendum utili ac delectabili: unde S. Patres, præferrimus Cyrillus, illud Joan. i. Illuminat omnem hominem venientem in hunc mundum, intelligunt de illuminatione in primo instanti usus rationis, in quo homo dicitur tunc in mundum venire, quia tunc primò incipit vivere ut homo: Ergo in eo instanti tenetur homo tali legi se subjicere, & deliberare sequi bonum honestum & rationi consonum; quod est virtualiter & implicitè in Deum se convertere, ut notabili tertio ostendimus.

180. Confirmatur: Cum Deus primò hominem prædicto modo illuminat, ostendendo ei suam legem naturalem, quasi notificat illi dominium morale quod habet in ipsum, sumitque possessionem humana voluntatis, quæ ex tunc ipsi debe-

A tur: Ergo tenetur ex tunc ipsa voluntas amplectitatem legem, & ejus obedientia se submittere; non enim sine hac submissione possidetur moraliter à Deo, neque Deus suum morale dominium in eam exercet: fit autem talis submissio per electionem boni honesti, seu per propulsum videtur secundum rectam rationem, & secundum ejus dictamen, ut ex supra dictis patet: Ergo in primo instanti usus rationis homo tenetur, implicitè saltem, se in Deum convertere, & dominio illius se subjicere, deliberando sequi bonum honestum & consonum rationi.

Confirmatur amplius: Angelus adstrictus fuit precepto diligendi Deum, & convertendi se in illum, in primo instanti sue libertatis, quod fuit secundum ipsius creationis, & correspondet primo nostro instanti morali: Ergo etiam nos tenemur in hoc nostro instanti similem dilectionem elicere, & in Deum nos convertere, e modo quo in illa etate sumus capaces, id est explicitè, vel implicitè, secundum illuminationem que tunc nobis datur à Deo; utpote cum eadem ratio utrobiq; militet, nempe quod omnis creatura rationalis, ubi plenè exercet dominium sue voluntatis, & agit ut omnino libera, tenetur se suo creatori submittere, & primum amorem, velut primum voluntatis fructum illi consecrare. Et sanè rationi valde consentaneum est, ut Deus talis creature auctor, pro creationis beneficio exigat ab illa ex tunc hujusmodi pensionem, utque primitias libertatis à se creatæ sibi conferri expostulet; sicut olim in lege Mosaica præcipiebat sibi offerri omnia primogenita animalium, & omnium frugum primitias.

Probatur secundo conclusio: ratione quam 181. insinuat S. Doctor hic art. 6. & fuscè ibidem expedit Cajetanus. Id quod primò occurrit homini, primum usum rationis habenti, est deliberare de seipso, hoc est ad quem finem se suasque actiones ut ordinaturus: Ergo tunc tenetur elicere actum, quo proponat lequi bonum honestum & rationi consonum, quod est se convertere implicitè in Deum hujus boni auctorem & finem, ut notabiliter expofimus. Consequientia manifesta videtur: Quia si homo tunc deliberet ad quem finem se suasque actiones ordinet, tenetur se, suasq; operationes, in bonum naturæ rationali, ut talis est, & prout à brutis distinguatur, convenienter, referre & ordinare: Sed bonum consonum naturæ rationali ut tali, est bonum honestum, non autem bonum delectabile; cum istud magis naturæ animali quam rationali convenienter sit; unde Seneca Epist. 94. Cari, inquit, mibi voluntatem nominas: homini bonum quo, non pecudis aut bellue, quibus venter laxior est, & ad percipiendas corporis voluntates aptior? Ergo si homo in primo instanti usus rationis de seipso deliberet, & se suasque actiones in aliquem finem ordinet, tenetur ordinare in bonum honestum, & oppositum malum respire. Antecedens autem, in quo est difficultas, sic probatur a Cajetano. Cum finis cui omnium concupiscentiarum sit ipse homo (amicabilis enim quæ sunt ad alios, veniunt ex amicibili ad se, ut ait Aristoteles 9. Ethic. cap. 4.) oportet quod amor quorumcumque concupiscentiarum supponat amorem sui ipsius: nam sicut cognitio principiorum præsupponitur ad cognitionem conclusionum; ita amor finis est prior amore eorum quæ sunt ad finem: Ergo etiam deliberatio circa quæcumque concupiscentiarum, præsupponit

ponit in homine deliberationem circa seipsum; siveque manet, id quod primò occurrit homini habenti primum usum rationis, esse deliberare de seipso.

¹⁸³ Dices primò, cogitationem primò occurrentem homini in primo usurationis, non esse de seipso, sed de discernendo inter bonum & malum oppositum.

Sed contra: Venire ad usum rationis, non est hominem discernere inter bonum & malum in abstracto, sed relativè ad seipsum, discernendo quid sit bonum & malum sibi tanquam finis Cui: atque ita optimè stat, quod quia homo est finis aliorum, sibi etiam primò occurrit in illo instanti, tanquam is cui sit bonum prosequendum.

¹⁸⁴ Dices secundò: Si est finis aliorum Ergo primum quod sibi occurrit, non est deliberare de seipso; cùm deliberatio non sit de fine, sed de mediis.

Sed contra: Licet homo sit finis aliorum extra se, non tamen est finis ultimus, sed intermedius, & per consequens se habet ut medium respectu Dei, qui est finis simpliciter ultimus omnium creaturarum: unde ex quo homo est finis aliorum, sibi primò occurrit; ex quo vero non est ultimus finis, sibi primò occurrit deliberare de le in ordine ad ultimum finem.

¹⁸⁵ Probatur tertio conclusio: Datur præceptum naturale diligendi Deum super omnia, & nos convertendi in illum, ut ex pluribus Scripturæ locis colligitur, præsertim ex illo Zachar. 1. Convertimini ad me, & ego convertar ad vos: quod præceptum, cùm sit affirmativum, non obligat semper pro semper, sed pro aliquo determinato tempore, ut de præceptis affirmativis communiter docent Theologi: Atqui non potest aliud tempus magis proportionatum & conveniens oblationi talis præcepti assignari, quam primum in instans morale usus rationis: Ergo in illo homo tenetur ad Deum se convertere, saltem implicitè, proponendo lequi bonum honestum & ratione consonum, ut dicimus conclusione sequenti. Major patet, Minor verò probatur multiplicitate. Primo quia, ut suprà dicebamus, in primo instanti usus rationis lex naturalis, mediante synderei & lumine naturali, intimatur homo, subinde que tunc primò incipit obligare, quantum ad omnia ipsius præcepta, inter quæ primum ac præcipuum est præceptum diligendi Deum super omnia, & nos convertendi, in illū.

¹⁸⁶ Secundò probatur Minor: Homo in illo primo instanti ingreditur moraliter in mundum, & viam vita rationis & humanae incipit; unde sic filii ille qui incipit aliquid longum iter, ex dictamine recte rationis & prudentiae, tenetur initio illius aliquem terminum sibi præstituere, ita & homo in primo illo instanti debet certam operandi regulam, certumq; & fixum scopum, quod suas operationes dirigat, sibi proponere, E nempe honeste & conformiter ad dictamen recte rationis vivere; alias maximo errandi in decursu vita periculo se exponet, cùm parvus error in principio sit maximus in fine. Unde plures Doctores ad nostrum propositum explicant illud Psalmista: Dominus custodiat introitum tuum, & exitum tuum, de primo & ultimo instanti humanae libertatis, in quibus præcipue indiget humana fragilitas à Deo custodiri. Illud ergo instans morale est tempus maximè oportunum & necessarium ad observantiam prædicti præcepti. Quam rationem insinuat S. Thomas qu. 28,

Tom. III.

A de verit. art. 3. ad 4. ubi sic ait: Cùm quilibet teneatur peccatum vitare, & hoc fieri non posse, nisi præstituto sibi debito fine, tenetur quilibet cùm primò suum est compos, ad Deum se convertere, & in eo finem constitvere.

Tertiò Minor probatur: Præceptum diligendi Deum super omnia est primum quod continetur in lege, juxta illud Matth. 22. Hoc est maximum & primum mandatum; unde præceptum præceptorum dici solet, quia cetera omnia illud supponunt, & in eo radicantur: adimpleti autem primum præceptum debitum est primum tempus capax tali adimpletionis, quod est primum instans morale usus rationis & libertatis. Accedit

B quod talis præceptum est finis omnium præceptorum, & totius legis, juxta illud i. ad Timoth. 1. Finis præcepti est charitas: finis autem licet in executione sit posterior, in amore tamen & intentione debet esse prior, ut pote propter quem cetera diliguntur: debet igitur præceptum diligendi Deum & se convertendi illum, in primo instanti usus rationis acceptati & adimpleri.

C Denique probat eadem Minor: Omnia alia tempora, pro impletione hujus præcepti ab 188 Adverbariis assignata, non sunt ita apta & convenientia, sicut primum illud instans morale usus rationis, ut patet ea referendo ex Tamburino lib. 2. in Decal. cap. 3. §. 2. num. I. ubi decem Theologorum sententias recentat:

D Primum tempus (inquit), quod aliqui assignant, est initium usus rationis: secundum, finis vita: tertium, tota vita indeterminatè sumpta, ut saltem semel in ea ametur Deus: quartum, omnes dies festivi, in quibus debemus Deo specialiter vacare: quintum, tempus quo adultus suscipit baptismum: sextum, tempus quo quis suscipit Eucharistiam: septimum, quando forte sumitur martyrium: octavum, quando magnum à Deo accipit beneficium: nonum, quando audiens aliquem contra Deum blasphemantem: decimal, quando gravi urgeri tentatione, praesertim odii Dei, cùm periculo consensu, nisi ad Deum per amorem te convertas. Patet, inquam, omnia illa tempora non esse ita apta & convenientia ad impletum præceptum dilectionis, sicut initium usus rationis. Quod enim dicitur de instanti mortis, communiter reprobatur: quia cùm præceptum dilectionis Dei traditum sit ad rectam vitam humanae institutionem, per relationem operationum nostrarum in Deum tanquam in ultimum finem, & ad conciliandam conservandamque amicitiam cùm illo, rationi dissonat ut in solo vita exitu obliget, totumque vitam spatiu extra tales obligationes sit. Unde Dominicanus Soto lib. 2. de iustitia & jure qu. 3. art. 10. loquens de hac sententia, sic ait: Si dixeris satis esse semel in vita, idque in articulo mortis, præceptum dilectionis Dei impleve, profecto longè à natura præcepti aberras: cùm enim præceptum hoc ceterorum omnium sit preambulum, & ut ait Paulus, finis (nam finis præcepti est charitas) ridiculum esset dicere, quod licet transfigere totam vitam antequam nos obliget. Similiter alia sententia, quæ totum tempus vita indeterminatè assignat, communiter rejicitur, eò quod cuilibet præcepto determinato certum & determinatum tempus, in quo obliget, assignari debeat: unde hic modus dicendi difficultatem non solvit, sed dissimilat. Aliæ etiam sententiae, excepta ultimâ, omni probabilitate carent: cum elicere actum charitatis temporibus ab illis authoribus designatis (puta diebus festiis, cùm debet suscipi-

Rit. Baptis.

Baptismus, vel Eucharistia, vel dum instat tempus martyrii, aut magnum aliquid beneficium a Deo recipitur) non sit præceptum, sed duntaxat consilium.

¹⁸⁹ Solùm potest esse difficultas circa ultimam sententiam, quam docet Thomas Sanchez lib. 2. summæ cap. 35. ubi rejectis alius dicendi modis, doçet præceptum charitatis tunc solùm obligare, cum graves odii Dei tentationes instant, & periculum illis succumbendi adest, nisi tentatus actum amoris Dei eliciat. Sed hunc etiam dicendi modum insufficientem esse demonstrant Salmantenses loco supra citato, num. 5. Primò quia (inquit) obligatio ad actum, que est præcisè ratione tentationis causa occurrentis & urgentis, non est obligatio per se, sed per accidens; sicut per accidens & non per se est quod talis tentatio tunc occurrit, & alia vi superari non possit: tempus autem quod querimus non est illud, in quo præceptum dilectionis Dei urgeat per accidens, sed in quo obliget per se, quia certum est assignandum esse aliquid tempus hujus per se obligationis. Secundò quia talis obligatio debet esse communis omnibus adultis, & omnes illos constringere, sicut ipsum præceptum commune est, & omnibus imponitur: Sed illa occasio in qua urgent graves odii Dei tentationes, & periculum illis succumbendi, non est communis omnibus adultis; plurimi enim sunt, qui toto vite tempore nullis hujusmodi temptationibus vexantur: Non igitur hac vi assignatur sufficiens tempus prædictæ obligationis.

¹⁹⁰ Ex his intelliges, D. Thomam non adinvenisse aut excogitasse novum præceptum, dum puerum pervenientem ad usum rationis afferret teneri ad se convertendum in Deum, sed solùm determinasse & declarasse tempus, quo primum & antiquissimum omnium mandatorum, scilicet charitatis præceptum, obligare incipit, nempe primum instantis morale usus rationis & libertatis; in quo instanti magis hoc præceptum urgere, quam alia quacumque occasione vel tempore assignabili, quis non videat? An forsitan periculosa navigationem tunc homo non aggreditur? Vel parum refert recentem testam boni liquore & odore imbuiere? Vel tunc non magnum instat tentatio periculum, quando Adversarius noster Diabolus circum quarenstella orem quam devoret? ait eleganter illustrissimus D. de Marinis Avignonensis Archiepiscopus. Nec obstat, si hujus aetatis imbecillitatem alleges, quæ non videotur ad tales obligationem subfundam idonea: nam facilius est puer talem conversionem seu dilectionem in illo instanti elicere, quando nulla adest inditpositio ex aliquo peccato personali relicta, quam eo transacto, ubi talis indispositio possit voluntatem retardare. Unde suavius egisse videtur divina providentia, restringendo tale præceptum ad primum instantem, quam si ulterius illud distulisset. Addo quod puer ad annos discretionis perveniens, non tenetur se convertere in Deum, nisi juxta illuminationem & notitiam de Deo quæ tunc ipsi communicatur; ita ut si notitia Dei fuerit explicita, ad amorem explicitum; si implicita, ad implicitum tantum teneatur, ut patet ex dicendis conclusione sequenti.

Dico secundò: Quamvis præceptum dilectionis Dei omnes ad rationis usum pervenientes per se obliget ad formalem & explicitam in Deum,

A ut authorem & finem supernaturalem, conversionem; per accidens tamen multi excusantur ab impletione hujus præcepti, quantum ad amorem explicitum Dei, etiam ut finis naturalis: nemo autem excusatur ab ejus obligatione, quantum ad amorem Dei implicitum, in amore boni honesti in communi virtualiter contentum.

Hæc conclusio concilia sententias Capreoli & Cajetani supra relatas: nam quando Capreolus assertit ad impletionem prædicti præcepti requiri amorem explicitum Dei, etiam ut authoris & finis supernaturalis, loquitur de obligatione quæ per le otitur ex vi præcepti: quando vero Cajetanus & alii Thomistæ communiter docent ad eum adimplitionem sufficere amorem Dei, ut finis naturalis, implente contentum in ipso amore & electione boni honesti, & in proposito vivendi secundum rectam rationem, loquuntur de eo quod per accidens in multis accidit, qui propter ignorantiam invincibiliter ab obligatione prædicti præcepti, quantum ad amorem Dei explicitum, excusantur. Hoc præmisso.

Probatur prima pars conclusionis: Præceptum diligendi Deum obligat omnes homines, ex quo habent rationis & libertatis usum, seu in primo instanti morali usus rationis & libertatis, ut præcedenti conclusione ostendimus: Sed supposita elevatione naturæ humanae ad ordinem & finem supernaturalem, tale præceptum jubet amorem formalem & explicitum Dei ut authoris & finis supernaturalis, cum illum utram per fidem cognoscamus: Ergo per se & ex vi præcepti dilectionis Dei, puer ad annos discretionis perveniens, tenetur ad amorem explicitum & formalem Dei, ut authoris & finis supernaturalis.

Confirmatur: Supposito quod amor explicitus Dei ut authoris supernaturalis aliquando sit debitus, ut omnes supponunt, rationes à nobis factæ sufficienter convincunt, opportunitatum tempus talis obligationis esse prædictum instantis, nullumque succedere in toto vita patio magis vel æquæ opportunum: Ergo &c. Dixi autem, supposita elevatione naturæ humanae ad ordinem supernaturalem: quia si homo sine tali elevatione, & in statu naturæ puræ condenseretur, præceptum diligendi Deum solùm comprehendet amorem ejus naturalem, & ad supernaturalem nequaquam se extenderet.

Quod autem multi ab obligatione hujus præcepti, quantum ad amorem Dei explicitum, per accidens excusantur, ut assertit secunda conclusionis pars, manifestum est: quia multi sunt, qui in primo instanti usus rationis non cognoscunt Deum explicitè, etiam ut authorem naturalis, sed laborant pro tunc ignorantia ejus inveniuntur, ut patet in illis qui sunt educati in sylvis, vel apud barbaras nationes, qui nihil unquam audiverunt aut cognoverunt de Deo: Sed nemo potest explicitè amare quod explicitè non cognoscit, cum nihil sit volitum, quin præcognitionem: Ergo multi propter ignorantiam invincibiliter excusantur ab impletione prædicti præcepti, quantum ad amorem explicitum Dei, etiam ut finis naturalis, & plures adhuc, quantum ad amorem Dei ut finis & authoris supernaturalis. Non tamen excusantur omnes: quia multi sunt, ex iis præsertim qui inter Catholicos & animarum salutis studiosos nutruntur, qui antequam ad annos discretionis perveniant, plura audiunt & apprehendunt de Deo, & de articulo

culis nostræ fidei quibus sufficienter instruuntur, ut in primo instanti morali usus rationis & libertatis, per irradiationem luminis fidei vel synderesis, efforment verum & explicitum de ipso Deo judicium, etiam supernaturale, ex quo ad similem ejus amorem expressum & formalem incitentur; qui proinde non excusantur ab impletione prædicti præcepti, quantum ad amorem explicitum Dei, etiam ut authoris supernaturalis. Unde D. Thomas hic art. 6. ait quod puer ad annos discretionis perveniens, tenetur Deum diligere, secundum quod in illa etate est capax: quia solum ad id tenetur juxta notitiam quæ tunc ipsi communicatur, atque adeo si notitia fuerit explicita, tenebitur ad explicitum amorem; si vero implicita, ad implicitum: sicut etiam si habeat notitiam Dei ut finis duntaxat naturalis, solum adstringetur ad hujus amorem; si vero ut finis supernaturalis, tenebitur quoque ad amorem istius finis.

^{196.} Tertia pars conclusionis, quod scilicet nemo excusat ab obligatione prædicti præcepti, quantum ad amorem Dei implicitum, in amore boni honesti in communi virtualiter contentum, probata manet ex dictis assertione præcedenti; ibi enim ostendimus, omnibus hominibus in primo instanti morali usus rationis & libertatis, manifestari per dictam rationis, seu lumen synderesis, bonum honestum, & obligationem amplectendi ipsum, sequendique legem naturalem, quæ tunc quoad prima ipsius præcepta & principia ostenditur & intimatur: neque censetur completu[m] tale instans, quoque totum hoc cumplendam advertentia & deliberatione innoscat. Unde Cyrilus, ut supra vidimus, hunc locum Joannis, Illuminat omnem hominem venientem in hunc mundum, intelligit de illuminatione, seu manifestatione boni honesti, quæ fit in primo instanti usus rationis, in quo Deus per lumen naturale intellectus, & per dictam synderesis, movere & excitare hominem (qui in illo instanti mortaliter ingreditur in hunc mundum, & viam vitæ moralis seu rationis incipit) ad vivendum honestè, & conformiter ad rectam rationem. In quo etiam sensu Chrysostomus homil. 60. in Matth. hæc verba Math. 20. Exit manè conducere operarios in vineam suam, interpretatus est: nam per primum, manè intellexit initium diei humanæ libertatis, quod est primum iustus usus rationis, in quo Deus conductit operarios in vineam suam, quia tunc homines ad rectè & honestè vivendum existat.

^{197.} Denique hæc veritas adeo clara & manifesta est, ut ipsi etiam Ethniciam agnoverint: nam apud Latinum Poëtam decantatam habemus litteram Pythagoræ discrimine sectam bicorni, quæ humanæ vitæ speciem præse ferre videtur, & ad rationis usum venienti puer utramque viam virtutis & virtutis demonstrare. Constat etiam ex ipsis antiquorum fabulis, quod puerulo Herculi ob viam ierunt duæ matronæ, virtus & voluptas, & unaquaque ipsum alliceret conata est. Similia apud Authores prophanos invenimus, quæ connatualitatem dictaminis & præcepti à synderesi significat, & homini ad usum rationis quamprimum convenienti, manifestè declarant. Ergo nullus ab impletione prædicti præcepti, quantum ad amorem Dei implicitum, in amore boni honesti virtualiter inclusus, ratione ignorantie invincibilis excusari potest; licet multi

ab adimplitione præcepti dilectionis; quantum ad amorem Dei formalem & explicitum, per accidentem excusentur.

§. II.

Solvuntur objectiones.

CONTRA præcedentes assertiones plura objectantur Recentiores, quæ soluta manent ex dictis. Dicunt in primis præceptum illud te convertendi in Deum a primo instanti usus rationis, neque in Scriptura, neque in SS. Patribus contineri, subindeque gratis & sine ullo fundamento esse à D. Thoma excogitatum. Addunt nimis durum videri, astrinxere pueros præcepto adeo oneroso in illa adhuc tenera etate, in qua plerique nullam Dei notitiam habent. Subiungunt, nullum esse virum doctum & timoratæ conscientia, qui solitus sit an impleverit hoc præceptum, & qui de ejus omissione in confessione se acuset. Dicunt etiam, lequi ex nostra sententia, quod pueri baptizati serè semper amittant gratiam, dum primum pervenient ad usum rationis; cum nulli vel pauci sint, qui tunc adimplerant tale præceptum. Denique dato quod tale præceptum existeret, parvuli ad usum rationis petrientes poterunt ignorantia illius invincibili laborare, cum multi viri docti, oppositæ sententia adherentes, illud invincibiliter ignorent, dum probabiliter non adesse opinantur: Ergo ratione talis ignorantiae poterunt ab ejus impletione excusari.

Hæc sunt præcipua adversæ sententia fundamenta, quæ ut dixi, soluta manent ex dictis. Ostendimus enim præceptum illud, de quo agimus non esse novum, nec à D. Thoma excogitatum, sed maximum habere fundamentum in Scriptura, & SS. Patribus: præsertim cum Scriptura & Patres toties nobis enuntiant præceptum diligendi Deum super omnia, in quo hoc implicitè continetur; imò ab eo non distinguitur, sed solum determinat tempus in quo illud incipit obligare, ut supra annotavimus. Quod si Theologorum disputationi, arbitrio, & judicio relinquatur determinare tempus, in quo obligat præceptum charitatis; indeque factum sit ut nullus ex Theologis vel etiam Casuistis inventiatur, quædam sententiam quoad hoc prodere non audeat, ut supra vidimus apud Tamburinum, qui decem varias Authorum opiniones circa hoc recenset: cur similiter non licebit Theologorum Principi & Coriphæo, suam circa hoc proferre sententiam, ac determinare tempus quod tale præceptum positivum obligat, nimurum primum instanti morale usus rationis, quo (ut supra ostendimus) nullum in toto vita decursu magis vel aquæ oportunitum dati potest?

Pater etiam ex supra dictis, præceptum istud ^{200.} non esse nimis onerosum & alperum; cum per illud puer solum teneatur se convertere in Deum eo modo quo potest, leui loquitur S. Doctor, secundum quod in illa etate est capax, & juxta notitiam quæ tunc sibi communicatur, ut in secunda conclusione fusi declaravimus. Addo quod tunc pertinet ad Authorum naturæ, manifestare & intimare hujusmodi obligationem, tanquam præceptum omnino primum, & initium ceterorum præceptorum, totiusque ordinis practici, ut inde homo per deliberationem & discursum reliqua præcepta naturalia deducat.

Rr ij.

Ad